



REPUBLIKA E KOSOVËS
REPUBLIKA KOSOVA – REPUBLIC OF KOSOVO

GJYKATA THEMELORE GJILAN

Numri i lëndës: 2022:231201

Datë: 05.12.2022

Numri i dokumentit: 03712624

CP.nr.999/22

GJYKATA THEMELORE – Departamenti i Përgjithshëm në Gjilan, gjyqtari Berat Spahiu, me bashkëpunëtoren profesionale Emine Hoti, në lëndën përbarimore të kreditores S.M nga Gjilani, përfaqësuar nga avokati A.L avokat nga Gjilani, kundër debitorit Komuna e Gjilanit- Drejtoria e Arsimit, lidhur me pagesën e shpërblimit jubilar dhe kompenzimin e shujtave ditore , në kuptim të nenit 152 të Ligjit për procedurën përbarimore – në tekstin e mëtejme LPP-në, jashtë seancës gjyqësore, më datën 05.12.2022 nxjerr këtë:

A K T V E N D I M

I. Urdhërohet Ministria e Ekonomisë dhe Financave – Thesari në Prishtinë, që mjetet monetare nga xhirollogaria e debitorit Komuna e Gjilanit –Drejtoria e Arsimit dhe atë: shumën totale prej 2107.50 (dymijë e njëqind e shtatë euro e pesëdhjetë cent), t’ a bartë në emër të përfaqësuesit të kreditores av.Mr.Sc.A.L nga Gjilani, në xhirollogarinë me nr..... pranë Bankës Ekonomike, pasi që aktvendimi mbi caktimin e përbarimit CP.999/2022 i datës 16.11.2022 është bërë i ekzekutueshëm më datën 25.11.2022, në kuptim të nenit 152 të LPP-së.

II. Aktvendimi në dispozitivin e I-rë e ka efektin e aktvendimit për përbarim, me të cilin është caktuar sekuestrimi i kredisë në të holla të debitores dhe kalimin e saj për arkëtim në dobi të kreditorit në kuptim të nenit 152 të LPP-re.

III. Kundër këtij aktvendimi nuk është e lejuar ankesa.

IV. Aktvendimi t’i dorëzohet palëve ndërgjyqëse si dhe Ministrisë së Ekonomisë dhe Financave – Thesarit në Prishtinë, kurse një ekzemplar të ruhet për dosje.

A r s y e t i m

Kreditorja S.M nga Gjilani, ka ushtruar propozim për përbarim kundër debitorit Komuna e Gjilanit- Drejtoria e Arsimit, lidhur me kompenzimin e shpërblimit jubilar, në bazë të Aktgjykimit të Gjykatës Themelore në Gjilan C.nr.405/2020 të datës 08.02.2021 i cili është bërë i plotfuqishëm më datë 27.09.2022, së bashku me shpenzimet e procedurës kontestimore dhe përbarimore në shumë totale prej 2107.50 (dymijë e njëqind e shtatë euro e pesëdhjetë cent) duke përfshirë në këtë shumë, shpenzimet edhe të procedurës përbarimore edhe ate

156.00€ për ushtrimin e propozimit për përmbarim si dhe taksën gjyqësore në lartësi prej 30.00€.

Pasi që aktvendimi mbi caktimin e përmbarimit lëndor është i formës së prerë më datën 25.11.2022, në kuptim të nenit 152 LPP-së si dhe nenit 40 të Ligjit për Menaxhimin e Financave Publike dhe Përgjegjësisive nr. 03/L – 48, janë plotësuar kushtet ligjore për të vendosur si në dispozitiv të këtij aktvendimi, duke e trajtuar aktvendimin në dispozitivin e I-rë si aktvendim me të cilin është caktuar sekuestrimi i kredisë në shumën monetare lëndore të debitores në fjalë dhe kalimin e saj për arkëtim në dobi të kreditorit në fjalë si dhe nenit 40 të Ligjit për Menaxhimin e Financave Publike dhe Përgjegjësitë nr. 03/L -48.

Sa i përket shpenzimeve, Gjykata llogariti shumën prej 156.00€ në procedurë përmbarimore për përpilimin e propozimit për përmbarim, si dhe në emër të taksës për dorëzimin e propozimit për përmbarim shumën prej 30.00€. Kundër këtij aktvendimi nuk është e lejuar ankesa, sepse në kuptim të dispozitës së nenit 12 parag. 2 të LPP-re me dispozitat e nenit 144-156 nuk është paraparë paraqitja e ankesës kundër aktvendimit me të cilin urdhërohet banka ose ndonjë institucion tjetër përkatës siç kemi të bëjmë me rastin konkret në dispozitat e nenit 152 të LPP-re përkitazi me përmbarimin për kredinë sipas llogarisë në bankë. Arkëtimi lëndor i kredisë në të holla nga ana e subjekteve të caktuara siç kemi të bëjmë me rastin konkret është rregulluar me nenin 40 të Ligjit për Menaxhimin e Financave Publike dhe Përgjegjësisive nr. 03/L – 48.

Nga të cekurat më lartë, gjykata vendosi si në dispozitiv të këtij aktvendimi.

**GJYKATA THEMELORE GJILAN
DEPARTAMENTI I PËRGJITHSHËM - DIVIZIONI CIVIL
2022:231201, 05.12.2022**

**Gjyqtari,
Berat Spahiu**

Udhëzim mbi mjetin juridik: Kundër këtij aktvendimi nuk është e lejuar ankesa.